

**ხელშეკრულება №12/08**  
**სახელმწიფო შესყიდვის შესახებ**

ქ. ონი 20 აგვისტო 2013 წელი  
ერთის მხრივ ონის მუნიციპალიტეტის საკრებულო (შემდგომში შემსყიდველი), მდებარე ქ. ონში დავით აღმაშენებლის მოედანი №1, წარმოდგენილი საკრებულოს თავმჯდომარის შლევა ჯაფარიძის სახით, ხოლო მეორეს მხრივ შპს "გზაკომუნაროექტი და ექსპერტიზა", მისი დირექტორის გიორგი თვალავაძის სახით (შემდგომში მიმწოდებელი) საქ. სახელმწიფო შესყიდვების შესახებ კანონის მე-10<sup>1</sup> მუხლის მე-3 პუნქტის დ) ქვეპუნქტის თანახმად და საქართველოს მთავრობის 02.08.2013 წლის №1016 განკარგულების საფუძველზე, ვდებთ მოცემულ ხელშეკრულებას შემდეგ სუ:

**მუხლი 1. ხელშეკრულების საგანი**

1.1. ამ ხელშეკრულების საგანს წარმოადგენს მიმწოდებლის მიერ, სოფ. ღებში მდ. რიონზე ნაპირსამაგრი გაბიონის, უწერაში მდ. მუშუანის კალაპოტის წმენდის და გაბიონის, უწერაში მდ. რიონის მარცხენა ნაპირზე ნაპირსამაგრი გაბიონის, ქ. ონში წერეთლისა და ლებანიძის დამაკავშირებელი სანიაღვრე არხის მოწყობის, ჩაჩაშვილის ქუჩაზე სანიაღვრე არხის კოლექტორის რეაბილიტაცია, ყაზბეგის ქუჩაზე სანიაღვრე არხის მოწყობისა და ქაფიანიძის ქუჩაზე სანიაღვრე არხის რეაბილიტაციის საინჟინრო-საპროექტო დოკუმენტაციით მომსახურების შესყიდვა – შემდგომში მომსახურება (CPV კოდი–71300000).

**მუხლი 2. ღირებულება და ანგარიშსწორების წესი**

2.1. ხელშეკრულების ჯამური ღირებულება საქართველოს კანონმდებლობით გათვალისწინებული დამატებული ღირებულების გადასახადის გათვალისწინებით შეადგენს 15000(თხუთმეტი ათას) ლარს.

2.2. საბოლოო ანგარიშსწორება მოხდება მიღება-ჩაბარების აქტისა და ანგარიშ-ფაქტურის წარმოდგენის შემდგომ.

2.3. იმ შემთხვევაში, თუ განსაზღვრული ვარემოებების გამო მიმწოდებლის მიერ გაწეული მომსახურების ღირებულებამ არ შეადგინა ამ ხელშეკრულებით გათვალისწინებული თანხა, შემსყიდველი აუნაზღაურებს მიმწოდებელს მის მიერ ფაქტობრივად გაწეული მომსახურების ღირებულებას ამ ხელშეკრულებით განსაზღვრული ფასების (პროცენტების) შესაბამისად. აღნიშნულიდან გამომდინარე მიმწოდებელს პრეტენზია არ უნდა გააჩნდეს აუთენტიკურ მომსახურების მოცულობათა შესრულებაზე და მის გადახდაზე.

**3.1. ხელშეკრულების პირველი მუხლით გათვალისწინებული მომსახურება უნდა შესაბამებოდეს**

3.1. პუნქტში აღნიშნული წესებიდან და ნორმებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს მომსახურება ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

**მუხლი 4. მომსახურების მიღება-ჩაბარების წესი**

4.1. შესყიდვის ობიექტი მიღებულად ჩაითვლება, მხოლოდ მიღება-ჩაბარების აქტის გაფორმების და შესაბამისი ანგარიშ-ფაქტურის წარმოდგენის შემდგომ.

4.2. შემსყიდველი ამოწმებს მიმწოდებლის მიერ გაწეული მომსახურების მოცულობას და ხარისხს.

4.3. შემოწმების შედეგად გამოვლენილი დეფექტის ან ნაკლის აღმოჩენის შემთხვევაში საკუთარი ხარჯებით უზრუნველყოფს მიმწოდებელი, (ხელშეკრულების მოქმედების ვადის მიუხედავად).

4.4. შემსყიდველი იტოვებს უფლებას, საჭიროების შემთხვევაში ხელშეკრულების ღირებულებისა და ტექნიკური დავალებით გათვალისწინებული ობიექტის ფარგლებში შეუქმნას მიმწოდებელს ტექნიკურ დავალებაში აღნიშნული დამატებითი მომსახურების გაწევა.

**მუხლი 5. მხარეთა უფლება-მოვალეობანი**

5.1. მიმწოდებელი ვალდებულია:

ა) მომსახურების შესრულების პროცესში იხელმძღვანელოს ამ ხელშეკრულების 3.1. პუნქტში გათვალისწინებული წესებითა და პირობებით;

ბ) ხელშეკრულებით და ყოველ კონკრეტულ ობიექტზე სამუშაო მისთვის საჭირო საპროექტო დოკუმენტაციის შესადგენად გაცემული ტექნიკური დავალებით განსაზღვრულ კანონმდებლობით დადგენილი წესების შეტანა დასაშვებია მხოლოდ შემსყიდველის და მიმწოდებლის ურთიერთშეთანხმების საფუძველზე;

გ) საკუთარი ხარჯებით უზრუნველყოს ამ ხელშეკრულებით გათვალისწინებული ინსპექტირების შედეგად გამოვლენილი ყველა დეფექტის ან ნაკლის აღმოფხვრა;

დ) შემსყიდველს უმოკლეს ვადაში აცნობოს მისი ორგანიზაციის მისალოდნელი რეორგანიზაციის ან ლიკვიდაციის შესახებ;

5.2. შემსყიდველი ვალდებულია:

ა) აწარმოოს ინსპექტირება საამისოდ შერჩეულ პირთან ერთად ხელშეკრულების გაწვევის მიმდინარეობაზე, თანახმად



ხელშეკრულების პირობების, მომსახურების ტექნიკური სპეციფიკაციების, რომელთა დარღვევის შემთხვევაში იგი უფლებამოსილია შეაჩეროს სამუშაოები;

ბ) შეუფერხებლად აუნაზღაუროს მიმწოდებელს გაწეული მომსახურების ღირებულება ამ ხელშეკრულებით გათვალისწინებული ვადების შესაბამისად.

5.3. შემსყიდველი და მიმწოდებელი ერთობლივად განიხილავენ ყოველ კონკრეტულ ობიექტზე სამუშაოებისათვის საჭირო საპროექტო დოკუმენტაციის შესადგენად მომსახურების გაწევის მიმდინარეობის საკითხებს და საჭიროების შემთხვევაში შეაქმნონ მასში სათანადო ცვლილებები.

#### **მუხლი 6. ფორს-მაჟორი**

6.1. მხარეები თავისუფლდებიან ხელშეკრულებით გათვალისწინებული ვალდებულებების შეუსრულებლობით გამოწვეული პასუხისმგებლობისაგან, თუ ვალდებულებების შეუსრულებლობა გამოწვეულია დაუძლეველი ძალის (სტიქიური უბედურება, ეპიდემია, ომი, კარანტინი, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირება, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომლის წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

6.2. მხარე, რომელსაც მიზეზად დაუძლეველი ძალის მოვლენები მოჰყავს, ვალდებულია დაუყოვნებლივ აცნობოს მეორე მხარეს წერილობით ასეთი მოვლენების დადგომის თაობაზე. ამასთან, მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ არსებითად ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

#### **მუხლი 7. პასუხისმგებლობა**

7.1. ხელშეკრულების პირობების შეუსრულებლობის ან არაჯეროვნად შესრულებისათვის დამრღვევი მხარე ვალდებულია მეორე მხარის მოთხოვნისთანავე გადაუხადოს მას პირგასამტეხლოს სახით ყოველი კონკრეტული ობიექტის საპროექტო მომსახურების ჯამური ღირებულების 0.1% (ნული მიეღი ერთი პროცენტი) არაუგვიანეს 14 საბანკო დღეში და უზრუნველყოს დარღვევის დაუყოვნებლივ გამოსწორება.

7.2. ამ შემთხვევაში, თუ მიმწოდებელზე ხელშეკრულების პირობების დარღვევის გამო დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 10 პროცენტს, მეორე მხარეს უფლება აქვს ცალმხრივად შეწყვიტოს ხელშეკრულება.

#### **8. ხელშეკრულების შეწყვეტა**

8.1. ხელშეკრულების დამღები ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

8.2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს დანარჩენი ვალდებულებების შესრულებისაგან.

8.3. ხელშეკრულების შეწყვეტის გაფორმება ხდება დანართი შეთანხმების გზით, მაგრამ შეუთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

8.4. შემსყიდველი უფლებამოსილია გადაამდე ცალმხრივად შეწყვიტოს ამ ხელშეკრულების

მოქმედება, თუ:

ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს);

ბ) მიმწოდებლის მიმართ მიმდინარეობს გაკოტრების საქმე. (მიუხედავად მისი დაწყების დროისა);

გ) მიმწოდებლის ქონებას დაედო ყადაღა;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია მოახდინოს ხელშეკრულების ჯეროვან შესრულებაზე;

#### **მუხლი 9. უფლებების გადაცემა**

9.1. წინამდებარე ხელშეკრულების არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

9.2. მესამე პირებთან ურთიერთობაში მხარეები მოქმედებენ თავიანთი სახელით, ზარჯებითა და რისკით.

#### **მუხლი 10. შეტყობინება**

10.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორ კონკრეტულ შემდგომი წარმოდგენით, წინამდებარე ხელშეკრულებაში მითითებული მეორე მხარის მისამართზე.

10.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დღეგინდულ დღეს, იმის მიხედვით, თუ ამ თარიღებიდან რომელი უფრო გვიან მოხდება.

#### **მუხლი 11. ინსპექტირება**

11.1. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულების მიმდინარეობაზე და ხარისხზე;





11.2. ამ ხელშეკრულების მოქმედების პერიოდში შემსყიდველი უფლებამოსილია ნებისმიერ დროს განახორციელოს შესრულებული სამუშაოს ხარისხის ინსპექტირება.

13.3 მიმწოდებელი ვალდებულია საკუთარი ხარჯებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით

13.4 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

#### მუხლი 12. სხვა პირობები

12.1 ნებისმიერი გადახრა ან ცვლილება ამ ხელშეკრულების პირობებში დაიშვება მხოლოდ ორივე მხარის მიერ ხელმოწერილი წერილობითი შესწორებების საფუძველზე.

12.2 იმ შემთხვევაში, თუ მომსახურების გაწევის დროს ამ ხელშეკრულების ღირებულებისა და ანგარიშსწორებიდან გამომდინარე, ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის ფასების გადასინჯვის შესაძლებლობა, ასეთი ცვლილებები დასაშვებია წინამდებარე ხელშეკრულების საერთო შინაარსის ფარგლებში და ცვლილებების შეტანის ინიციატორი მხარე ვალდებულია წერილობით შეატყობინოს მეორე მხარეს შესაბამისი დასაბუთებული ინფორმაცია.

#### 15. ხელშეკრულების მოქმედების ვადა

15.1 ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან, მხარეთა მიერ ნაკისრი ვალდებულებების სრულ და ჯეროვან შესრულებამდე – 2013 წლის 10 სექტემბრამდე.

#### რეკვიზიტები

##### შემსყიდველი

ონის მუნიციპალიტეტის სოკრებულო  
თავმჯდომარე

  
/შალვა ჯავახიძე



ქ.ონი, დ.ადმაშენებლის მოედანი №1

ტელ.: 577 468811


ს/კ 237978275 ანგ.: №GE62LB0120115527055000

სს "ლიბერთი ბანკი"

ბ.კ. LBRTGE22

##### მიმწოდებელი

შპს "საკომუნაროექტი და ექსპერტიზის"  
დირექტორი

  
/დავით თვალდავით



ქ.თბილისი, პეკინის გამზ. 28; dalezu@rambler.ru

ტელ.: +995 32 2308702, +995 32 2308701

ს/კ 20167227 ანგ.: №GE92BG0000000901363700

სს "საკრედიტო ბანკი"

ბ.კ. BAGAGE22